

Tailwind ehf
Lyngási 14
210 Garðabær

Garðabær, 10. september 2025
202509-0033/P.V.B.
10.10

**Efni: Umsókn um leyfi - viðburðarhald á friðlýstum svæðum - Vífilstaðavatn og Búrfellsgjá -
hlaupakeppni**

Náttúruverndarstofnun hefur móttengið umsókn Tailwind ehf, dagsett 4. september 2025, um leyfi hlaupaviðburði innan friðlýstu svæðana Búrfell, Búrfellsgjá og Selgjá, Vífilstaðarvatns og Reykjanesfólkvang..

Búrfell, Búrfellsgjá og Selgjá í Garðabæ er friðlýst sem náttúruvætti sbr. [auglýsing nr. 687/2020](#). Óheimilt er að hrófla við, raska eða skemma jarðmyndanir innan náttúruvættisins nema til komi sérstakt leyfi frá Náttúruverndarstofnun og Garðabæ. Notkun fjarðstýrða loftfara er óheimil innan náttúruvættisins nema með fengnu leyfi frá Náttúruverndarstofnun. Afla skal leyfis Náttúruverndarstofnunar vegna skipulagðra viðburða og verkefna sem kalla á jarðrask, aðstöðu, mannafla eða meðferð tækja innan verndarsvæðisins, s.s. vegna kvikmyndagerðar, listviðburða og samkomuhalds. Innan friðhelgunarsvæða menningarminja þarf einnig að afla leyfis Minjastofnunar Íslands.

Reykjanesfólkvangur er friðlýstur sem fólkvangur sbr. [auglýsing nr. 520/1975](#). Jarðrask á svæðinu er óheimilt nema með leyfi Náttúruverndarstofnunar.

Vífilstaðavatn er friðlýst sem friðland sbr. [auglýsing nr. 1064/2007](#). Óheimilt er að spilla náttúrulegu gróðurfari, trufla og hrófla við jarðmyndunum og öðrum náttúruminum í friðlandinu. Mannvirkjagerð, jarðrask og aðrar breytingar á landi, svo og breytingar á rennsli vatns og vatnsborðshæð, eru óheimilar nema með leyfi Náttúruverndarstofnunar og bæjarstjórnar Garðabæjar.

Lýsing verkefnis:

Kort sem sýna hlaupaleiðirnar í gegnum Búrfell, Búrfellsgjá og Selgjá, Vífilstaðarvatns og Reykjanesfólkvang fylgdu með umsókn. Um er að ræða tvær vegalengdir 10 og 29 km. Aðeins 29 km leiðin færi í gegnum Búrfell, Búrfellsgjá og Selgjá og Reykjanesfólkvang. Í heildina er gert ráð fyrir að allt að 450 manns taki þátt í hlaupakeppninni. Hlaupaleiðirnar, munu eingöngu fylgja merktum stígum eða vegum, verða merktar með keilum, fánum og borðum. Allar merkingar verða fjarlægðar þegar seinasti hlauparinn hefur farið hjá. Að hlaupinu kæmu 25 starfsmenn. Ræsing, endamark og önnur aðstaða verður staðsett utan friðlýstra svæða. Hlaupið færi fram 13. september 2024.

Áhrifamat:

Náttúruverndarstofnun metur viðburðinn ekki líklegan til að hafa neikvæð áhrif á náttúrufar eða verndargildi náttúruvættisins Búrfell, Búrfellsgjá og Selgjá, sé farið eftir skilyrði leyfisins. Viðburðurinn mun þó valda tímabundinni truflun á upplifun annarra gesta vegna mikillar umferðar á vegum á meðan keppni stendur. Stofnun metur að hægt sé að draga úr neikvæðum áhrifum á upplifun annara gesta sé farið eftir skilyrðum leyfisins. Neikvæð áhrif gætið haft sér stað á undirlagi göngustígsins, fari hann fram eftir mikil rigning og á örbleytu.

Skilyrði:

Náttúruverndarstofnun metur út frá upplýsingum umsækjanda og þeim reglum sem gilda um Reykjanesfólkvang og Vífilstaðarvatn sbr. auglýsing um friðlýsingu að verkefnið sé ekki leyfisskylt af hálfu stofnunarinnar innan svæðisins.

Náttúruverndarstofnun veitir Tailwind ehf fyrir sitt leyti leyfi fyrir hlaupaviðburðinum innan Búrfell, Búrfellsgjá og Selgjá sbr. lýsingu hér að ofan þann 13. september að uppfylltum eftirfarandi skilyrðum::

- Stjórnendur viðburðarins skili til Náttúruverndarstofnunar, a.m.k. viku áður en keppni hefst, áætlun um það hvernig staðið verði að framkvæmd keppninnar. Í áætlun skal m.a. koma fram, fjöldi þátttakenda, hvernig þátttakendum og starfsmönnum er komið á staðinn og hvernig staðið verði að frágangi að viðburði loknum.
- Náttúruverndarstofnun skal tilkynnt um öll frávik við áður útgefna verkefnalýsingu og eins ef breyting verður á tímasetningu verkefnis eins fljótt og auðið er.
- A.m.k. sólahring áður en keppnin hefst skal koma fyrir merkingum við upphaf og endastöð hlaupsins/keppnisleiðar innan friðlýstu svæðanna þar sem gestir svæðisins eru upplýstir um fyrirhugað hlaup/keppnishald.
- Hámarksfjöldi þátttakenda í hlaupinu/keppninni verði ekki meiri en 450 manns.
- Upplýsa skal ljósmyndara og aðra sem koma á svæðið til að fylgjast með keppninni að óheimilt sé að fara út fyrir göngustíga og vísa þeim á góða ljósmyndatökustaði í samráði við landverði.
- Aðstandendur viðburðarins tryggi að ekki verði skilinn eftir neinn úrgangur á víðavangi, hvorki á/við hlaupaleiðir né á drykkjastöð. Einnig að tryggt verði að merkingar sem notaðar verða við að merkja hlaupaleiðina verði fjarlægðar strax að viðburði loknum og skemmdir á gróðri, ef einhverjar verða, lagfærðar.
- Þátttakendur taki tillit til annara gesta svæðisins hvort sem er við skála sem drykkjarstöðvar eru staðsettar á eða á þeim stígum sem viðburðurinn fer fram.
- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Virða skal umgengnisreglur sem gilda um svæðið.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Náttúruverndarstofnun í síma 556.

- Þátttakendur og starfsmenn hlaupsins haldi sig á gönguleið innan friðlýstu svæðanna. Stjórnendur hlaupsins skulu upplýsa þátttakendur um mikilvægi þess að halda sig á gönguleiðum til að koma í veg fyrir risk á viðkvæmum gróðri meðfram keppnisleiðinni.
- Allur akstur utan vega er óheimill.

Ef leyfishafi veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Náttúruverndarstofnun t.d. lagt fyrir leyfishafa að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Náttúruverndarstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi sveitarfélagana Garðabæjar og Hafnarfjarðar þarf fyrir verkefninu auk stjórnar Reykjanesfólkvangs og Skógræktarfélags Reykjavíkur

Sé skilyrðum leyfis ekki fullnægt getur Náttúruverndarstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Náttúruverndarstofnun minnir á að skv. 6. gr. laga nr. 60/2013 um náttúruvernd er öllum skylt að ganga vel um náttúru landsins og sýna ýtrustu varúð þannig að henni verði ekki spillt. Við framkvæmdir, starfsemi, rekstur og önnur umsvif sem áhrif hafa á náttúruna skal gera allt sem með sanngirni má ætlast til svo komið verði í veg fyrir náttúruspjöll.

Leyfisgjald:

Náttúruverndarstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um starfsemi, viðburði, rannsóknir og athafnir er kr. **62.400.** sbr. 7. gr. a. gjaldskrá Náttúruverndarstofnunar nr. 354/2025.

Eftirlit:

Náttúruverndarstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Náttúruverndarstofnun.

René Biasone

svæðissérfræðingur

Þórdís Vilhelmína Bragadóttir

sérfræðingur